

29  
30

DISSERTATIO MEDICO-CHIRURGICA  
INAUGURALIS

DE

GANGRAENA ET SPHACELO.

QUAM

ANNUENTE DEO TER OPT. MAX.

*Ex Auctoritate Magnifici Rectoris,*

D. TIBERII HEMSTERHUIS,

LINGUÆ ET ANTIQUITATUM GRÆCARUM,

UT ET HISTORIÆ PATRIÆ IN ACAD. LUGD.

BAT. PROFESSORIS ORDINARIJ,

NEC NON

*Amplissimi SENATUS ACADEMICI Consensu,*

*& Nobilissimæ FACULTATIS MEDICÆ Decreto,*

PRO GRADU DOCTORATUS,


Summisque in MEDICINA Honoribus, & Privilegiis,

ritè ac legitime consequendis,

*Eruditorum Examini submittit.*

ADRIANUS DICTEN, Lugd. Batav.

*Ad diem 29. Augusti 1747. hora locoque solitis.*



LUGDUNI BATAVORUM,

Apud JOH. & HERM. VERBEEK, 1747.

THE UNIVERSITY OF CHICAGO  
LIBRARY

CHICAGO, ILL.

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911



V I R O

*I N T E G E R R I M O*

D. G E R A R D O D I C T E N ,  
CIVITATIS LEYDENSIS, UT ET RHYNLANDIÆ  
CHIRURGO, ARTIS OBSTETRICANDI  
PRÆLECTORI,

P A T R I O P T I M O ,

IN CHIRURGICIS MANUDUCTORI SUO FIDELIS-  
SIMO, OMNI FILIALI AMORE AD ULTIMUM VI-  
TÆ HALITUM COLENDO, VENERANDO.

NEC NON

D. E V E R A R D O D I C T E N ,  
CHIRURGO LEYDENSIS, NUNC IN NOSOCOMIO  
CASTRENSI BELGICO CHIRURGO, (MAJORI VUL-  
GO DICTO),

FRATRI SUO DILECTISSIMO.

UT

UT ET

*VIRIS CLARISSIMIS, AMPLISSIMIS, EXPER-  
TISSIMISQUE MUNERUM SPLENDORE,  
AC CONSUMMATÆ ERUDITIONIS FAMA  
CONSPICUIS PER OMNEM TERRA-  
RUM ORBEM CELEBRATISSIMIS,*

PRÆCEPTORIBUS MEIS PRÆSTANTISSIMIS,  
OPTIME DE ME, MEISQUE STUDIIS MERITIS.

D. BERNARDO SIEGFRIED ALBINO,  
MED. DOCT. PRAX. CLIN. ANAT. ET CHIRURG.  
PROFESSORI ORDINARIO, COLLEGII CHIRUR-  
GICI PRÆSIDI.

D. ADRIANO VAN ROYEN,  
MED. DOCT. EJUSDEMQUE ET BOTANICES, AC  
COLLEGII PRACTICI PROFESSORI ORDINARIO,  
COLLEGII PHARMACEUTICI PRÆSIDI, REGIÆ  
SOCIETATIS LONDINENSIS MEMBRO.

D. HIERONYMO DAVIDI GAUBIO,  
MED. DOCT. EJUSDEM AC CHEMIÆ ET COLLE-  
GII PRACTICI PROFESSORI ORDINARIO, H. T.  
DECANO, OLIM TENTATORI, NUNC PROMO-  
TORI SUO.

*Hancce Dissertationem Inauguralem  
ea, qua par est reverentia,*


D. D. D.

ADRIANUS DICTEN,

AUCTOR.

DIS.






# DISSERTATIO MEDICO-CHIRURGICA INAUGURALIS.

DE

## GANGRAENA ET SPHACELO.

§. I.



Nter varias corporis humani corruptiones in Chirurgicis obvenientes frequentia & saevitie summa, non raro lethifera, principem locum tenet Gangraena: partibus siquidem inflammatis, scirrhosis, oedematosis, luxatis, fractis, ruptis, vulneratis, pressis &c. levi occasione data sese associat, & plerumque nisi morte separanda. De affectu hoc Thema inaugurale conscribere decrevi, ut

legibus Academicis satisfaceret. Affectuum externorum, cujuscunque naturæ sint, experientiam ipsam habeo testem, indicem, & magistram; faventissimam enim nactus occasionem, dum varios partium externarum affectus,



## 6 DISSERTATIO MEDICO CHIRURGICA

fracturas, luxationes, tumores, ulcera, vulnera, eorum eventus in ampla mei patris praxi Chirurgica coram intueri mihi contigit, qui vires naturae destruentes, separantes, redintegrantes, necessitatem & potentiam artis, verbo, manu & opere a principio ad finem fideliter ob oculos posuit, quid error aegri, vel Chirurgi, vel neglectus efficiant, severe inculcavit; quibus signis ab aliis affectibus malum hoc discerni queat, etiam in ipso ortu, quid judicandum, praesagiendum, quid, quibus instrumentis, quo modo, qua ratione externe agendum; quid interne ad ferendas naturae in extremo constitutae suppetias exhibendum, quam circumspectissime monuit. Visa & audita cum iis, quae a Clarissimis Praeceptoribus in Collegiis publicis, privatisve edoctus, & quae lectione probatissimorum Chirurgorum hausi, praecepta mihi erunt, quorum vestigiis perpetuo inhaerere uti voluptatis, ita & securitatis erit.

### §. I I.

Ordinem Gangraenam descripturo necessitas dicitur, nempe, ut

1°. Ipsa Gangraena describatur, quo ad Causas, modum, quo oritur, effecta in decursu edita, eventum, quae omnia stricta definitione sisti non possunt; accedit, quod sit affectus naturae compositus & saepe a diversissimis causis natus.

2°. Ut exponatur conditio partis affectae, quae primario indicat periculum aut spem, quid in sui & universi corporis bonum agendum sit; caetera ad ea, quae ex conditione partis affectae inventa fuere, referuntur. Neque Caco-chymia per totum corpus diffusa, in variis partibus Gangraenam producente; aut defectu vitalium fluidorum, corruptiones partium post se trahente exceptis; in gratiam quippe partium affectarum omnia coetera primario judicata peraguntur.

3°. Ut circumspecte consideretur aegri constitutio, quae  
respi-



respicit aetatem, sexum, vires vitae, genus: formidabilis Gangraena in Scorbuticis, Senibus, lentior quidem in his, verum ut plurimum insuperabilis; celerior in robustis, exercitatisve, ut suis locis monebitur.

4°. Ut tempestas secunda vel adversa, Coelum seu Atmosphaera regioni propria, coeteraeque res nonnaturales ad examen revocentur, quibus omnibus rite inter se consideratis eventus in specie determinetur.

5°. Medendi methodus cum variet pro natura, mali, partis affectae, causarum, suis locis inseratur, quo modo vita partis, & subjecti totius servari, Gangraena tolli, symptomata praesentia mitigari, imminetia praecaveri possint.

### §. III.

Sequentia ut data ponimus.

1°. Vita consistit in perpetuo motu humorum per vasa & viscera.

2°. Sanitas in integritate eorundem, non interrupta restitutione substantiae, attritu continuo effluentis, & iis omnibus, quae dicto fini subordinata sunt, ut digestio, secretio, humorum singularium elaboratio, hinc servare sanitatem est servare vitam perfectam & vice versa.

3°. Morbus in recessu a statu naturali, ea vero lege, ut in subjecto aegro, aut parte affecta, sive cui morbus inhaeret, vita quantumvis imminuta, superstes sit; parti enim mortuae vita non inhaeret, neque morbus.

4°. Mors autem a defectu vitalium fluidorum, integra eorum stagnatione, corruptione, solidorum inertia, immobilitate, destructione, circulatione abolita, oritur. Aliis dicitur extinctio vitae, separatio mentis a corpore, vel parte quadam; quod enim mortuum est nec mentis aut vitae influxum amplius participat, ut in parte extirpata, aut alia ratione destructa, veluti in Suppuratione, Gangraena, &c.

5°. Mors naturalis, seu fatum senile veteribus dicitur, quod



## 8 DISSERTATIO MEDICO CHIRURGICA

quod sit extinctio vel consumptio calidi innati, hospitantis in humido radicali : id Recentioribus est defectus motus fluidorum subtiliorum per canales minimos jam prae senio coalitos, quae sunt prima & ultima vitae causa, quae ablata quies & corruptio.

Mors haec successive nascitur, prout vita suis praesidiis plus minus privatur. Hinc dum Senes subito decedunt, non subito moriuntur, diu ante mori incepere

*Non mors una venit, sed quae venit ultima mors est.*

6°. Mors subitanea dicitur, cum gradus inter vitam & mortem perfectam conceptu citius absolvit, talis proprie gangraenae finis nunquam est, contingit quidem subinde ut, ea externe apparente, mors subito praesto sit, at in internis ante latuit.

7°. Mors lenta, dum vitae immunitationis per gradus ratio haberi possit tam in toto quam in parte, adeoque *Vita, Sanitas, Morbus, Mors* cita vel lenta historiam Gangraenae absolvent, sive illa acutissima, sive peracuta, sive Chronica.

### §. I V.

Dum liquidum vitale, sanum, morbosumve fuerit, in arterias, cujuscumque ordinis illae sint, stagnat cum motu & impetu a tergo naturalem exsuperante, morbus adest, compositus ex stagnatione fluidi, impulsu majori, attritu, & calore praeternaturali, dolore plus minus acuto pro ratione virium impellentium, densitatis fluidi ipsius, sensilitatis partium solidarum, vocatur Phlegmone, Inflammatio, Ignis; causa hujus proxima & effectus recensiti sunt membra morbum immediate constituentia, reliqua, quae praeter naturam accidunt, nomine Symptomatum veniunt. Causa enim praeternaturalis sine producto



ducto effectu proprie morbus non est , sed pars: Symptomata inde superenascitura, sive a morbo, ejus causa proxima dependeant , sive non , ut novi morbi considerata sunt.

### §. V.

Si fluidum illud §. 4. stagnans blandum impetu salubrem excedenti, mora, calore , humore blando per vasa minima adhuc quodammodo libera moto, stagnantia ab omni parte irroranti (talis in homine, coeterum sano praesto ubivis est) subigitur , solvitur , fluidis miscetur , vocatur *Cœlio*, *Resolutio*, *Crisis*.

### §. V I.

Dum vero idem illud liquidum stagnans blandum quidem , sed impetu insigniori per vires vitae subactum una cum vasculis continentibus , ut plurimum circa quartum diem, lente mutatur in liquidum spissum , blandum , album , inodorum , laeve (nisi in partibus glandulosis fuerit , in iis semper viridiscens vidi) mutatio haec , sive destructio substantiae, *Suppuratio* & liquidum Medicis pus bonum, pus laudabile dicitur.

Est lenta vitae extinctio in parte inflammata , quatenus in pus convertitur. vide §. 3. No. 4.

### §. V I I.

At si liquidum illud stagnans corruptum , acre factum, vel impetu violentiori communicato vasa subito disrum-  
pat , exedat substantiam , fibras , arterias , venas , nervos destruat , ut motus vitalis ex integro suffocetur , intercipiatur , contenta effusa mora , calore & motu vicinorum, ut & intestino jam ante in actum deducto , putrescant , vim rodendi , dissolvendi , magis magisque destruendi ac-  
B qui-



quirant, vicina indomabili pernicië instar ignis depasçant, præsto est affectus in foro Medico Gangraena dictus, ratione tam temporis, quam rapacitatis acutissima; lenta autem dum adest virium defectus & fluidorum, mutabilitas minor, ut in Senibus citra inflammationem, item de Cancro, de quibus infra.

## §. V I I I.

Pars dictis causis destructa, sensu & motu vitali destituta Sphacelus vocari consuevit, dico vitali: contingere enim potest, ut motus in parte sphacelata supersit, dum tendines robustiores magis resistentes nondum sint dissoluti, licet illi cum circumpositis mortui, modo venter musculi, cujus productio sunt, adhuc vi contractili gaudeat, tales sunt tendines pedis, validissimorum musculorum Cru- ris, Solaei, Gastrocnemii &c. Gangraenam & Sphacelum Boerhav. sequenti tenore describit.

*Vocatur autem gangraena ea partis mollis affectio, quae abolito influxu vitalis humoris in arterias, effluxu per venas in mortem tendit, sed Sphacelus ea, quae jam in tota parte omnem vitalem actionem perfecta morte destruit, superstitè in reliquis vita. Aph. 419. & 20.*

Descriptio haec sistit progressum gangraenae (in quo fere tota consistit) utpote conversionem partis viventis in mortem; modus autem, quo haec nascatur, sub iis vocabulis: *in mortem tendit*, delitescit, quem ita concipimus.

Pone mille arterias esse inflammatas, quousque harum nulla destruitur cum corruptela fluidi in foetidum, acre liquamen, aut magma putridum, simplex erit inflammatio sine gangraena & sphacelo, etiamsi ad summum gradum pervenerit, & increfcere haud amplius possit, quin succedat alius morbus, ut Suppuratio aut gangraena, adeoque meo iudicio minus recte a quibusdam definitur, quod sit summus gradus inflammationis. At si unica harum mille arteriarum rupta humorem contentum effundat,

aut.



aut cum contento corrupto omnem vitalem conditionem amiserit, haec dicenda mortua, five mors in parte minima (§. 3.) interiit enim vita ejus, seu tetendit ad non esse; haec abolitio Sphacelus simplex, seu similis dici potest, qui ob simplicitatem sui indicia non praebet, dum incrementum cepit, vicina, ut jam monitum, depascit, adest status, quem proprie Gangraenam vocare audemus.

Quo nunc plures canales abolentur, destruuntur, eo gangraena extensive major. Mors enim eo major inter causas vitae est. Rursum pone ex mille centum emortuas, erit causa mortis ad causas vitae, ut unum ad decem; si ponis nongentas erit, causa mortis ad causas vitae, ut decem ad unum. Cum effecta respondeant suis causis, erit mors ad vitam, ut causa mortis ad causas vitae. Quousque in parte affecta aliqua vasa quantumvis pauca, & in opere suo languida, fluida vitalia transmittunt, eousque persistit gangraena, qua incrementum, decrescit vita ad interitum usque, nisi vita ipsa terminum, aut Medicina obicem ponat.

§. I X.

Definitur quidem Gangraena, quod sit affectus partis mollis in mortem tendentis; Sphacelus vero, quod sit mors ad ossa usque, quod sensu eminentiori ob frequentiam intelligendum est; prostant enim casus, ubi ossa ipsa in Gangraenam & Sphacelum conversa fuere, & in liquamen putridum defluxere, non quidem mollia, ut in infantibus, pueris, aut tenuia, ut cavernosa narium ossa, unguis, aut porosa, cellulosa multa pinguedine facile corruptibili repleta, ut ossa juxta articulos &c. verum solidissima hominis adulti saevitiae rapacissima & incoercibili ignis adinstar, ut pereleganter canit Ann. Lucanus Pharsel. libr. ix. vide infra §. 12. N°. 4. in Comm. Van Swieten citato. Casus ejusmodi habetur in Miscell. Curiosor. Decur. 3. Ann. 4. ubi puella 20 annorum, urente gelu, pedibus nudis super pavimen-



vimentum lapideum inceserat, pes corripit 1°. inflammatione, febre, calore, dolore, siti; mox insequi, in pede alterutro Gangraena cadaverosa, pedissequo Sphacelo. Puella ista, cum esset paupercula, artis, auxilium recusando malum fato reliquit, quod ad genu usque citato gradu proserpsit, non modo robustos surae musculos, tendines, armillas, cartilagine, vasa, cutim, verum & tibiam & fibulam; ossa illa crassa, solidissima, totum corpus fulciantia solvit, putrefecit, ita ut pes integer non procul a genu, ac si ferra abscissus esset, dilapsus fuerit, nec malo ulterius proserpente, itaque misera sponte natura sanata, operibus domesticis obeundis superstes vixerit. Casus alius Gangraenae & naturae efficaciam sistens habetur in Comm. van Swieten ad Aph. 460. ubi Gangraena pedes militis in lapsu ad rupem collixi luxatos & fractos occupaverat, natura sine artis auxilio, Sphacelo inde supra talum nato, limites fecit, mortuumque a vivo separavit. Similem casum vidi apud Patrem in brachio, ubi natura Sphacelo proserpenti limen prope articulum humeri cum scapula fecerat. Alii mirabiles casus ad Aph. 423. Pag. 748. recensentur. Homini in febre acuta continua unius noctis spatio fiderabatur extrema pars dextri pedis, & postea decidebat, homine tamen superstite manente; simul enim ac morbi malignitas hanc partem occupaverat, cessabat febris & redibat reliquo corpori sanitas. Ex Tulpio exemplum ibidem occurrit, Vetulae septuagenariae brachium una nocte Gangraena & Sphacelo correptum facto initio ad commissuram humeri ad extremos digitos usque nigrum, exsiccatum, torridumve decidit. Plurima inde discimus

1°. Ossa ut inflammationi suscipiendae apta, ita data occasione a Gangraena & Sphacelo immunia non esse. Gaudent enim vita communi.

2°. Fluida dum in vivente putrescunt, evadere menstruum igne, & quovis arte Chemica parabili, nec aquis stygiis exceptis, potentius, solvens omnium partium cohaesionem, ut ex solido duro, albo, molli, rubro flavo, pelucido



lucido, blando fluido, fiat magma putridum, nigrum foetoris horrendi, intolerabilis.

3°. Naturam esse sapientissimam Medicatricem, Chirur- gum, dum sine igne & ferro mortuum a vivo separat, vasa sine ligaturis stringit, haemorrhagias praecavet, arcet, & sine medicamento interno, aut externo, arte parato consoli- dat, proprio balsamo, & motu requisito omnia peragens, sibi in multis sufficiens. Hippocrates & Virgilius felicem pronunciant, qui noverit rerum causas, felicior is, qui in- super habet naturam faventem, seu medicatricem, quae paucis a se indicatis indiget, qua inerte, iners omnis me- dela, *natura repugnante nihil Medicina proficit Cels. libr. 3. cap. 1.*

### §. X.

Ne videamur rarissimorum casuum favore inducti naturae laesae viribus nimium tribuere, itaque aegro serius tempe- stivis, summisque remediis, quae in extremis adhibenda ars praecipit, consulere; sequentia ex Comm. van Swieten ad Aph. 430. inferere visum est, ubi exemplum, Gangraenam sine ullis signis praegressis, tam internis quam externis pe- dem mulieris sanae corripuisse, subito ad genu & superiora adscendisse, in Sphacelum mortiferum abiisse, extirpatio- nem paulo serius institutam irritam fuisse, quae tempestive adhibita spem salutis facere potuisset, quemadmodum de La Motte, traité complet de Chirurgie Tom. III. apud van Swieten Comm. Aph. 422. opere & successu confir- mat tenore sequenti. Dum profundum puteum mundare vellet famulus Julio mense, summum frigus percepit, si- mulque dolorem atrocissimum in magno pedis sinistri digi- to, qui paulo post ad malleolos adscendebat, tota pars haec vero Sphacelo erat corrupta, & post horae spatium adscen- derat, & procul dubio hominem sustulisset, nisi subito ex- stirpatio facta fuisset. Plurima similia funesta exempla ex praestantissimis Practicis collecta sistit Manget. Tom. Chi-  
B 3 rurg.



rurg. titulo Gangraenae. Nimis longum foret, casus, quos ipse vidi & ex Patre audivi, hic recensere; sequentes cum maxime ad rem faciant praetermittere non possum.

*Concurrentes naturae & artis vires exemplo tristi quidem, sed illustri indicare lubet. Infans cujusdam militis in hac civitate 1744. 4. Jan. sellam perforatam forte adscendens decidit in proximum ignem, graviter ambustus extrahitur; ilico vocati brachium sinistrum ab humero ad ungues rigidum, sphacelatumque intuemur. Pectus quoque vi ignis acerrime laesum conspicimus, brachium dextrum notabili Gangraena adfectum. Calamitosum hocce spectaculum siccis oculis nemo praesens vidit; nos sine mora cataplasma facultate emolliendi, leniendi, & corruptioni resistendi praeditum applicuimus. Continuato usu per vices renovando obtinemus separationem mortui a vivo, scilicet juxta humerum, pectus & brachium dextrum, quam emplastro indicato promovemus, vitam, usumque hujus brachii naturae indefinenter suppetias ferendo servamus sinistrum vero, cum vitam in eo vi ignis fere ex integro destructam advertimus, de humero servando cogitamus, itaque separationem debitis remediis maturandum judicamus, quod ex voto successit: cum 7. Jan. brachium perlustramus, instrumentis ad amputandum praesentibus, cataplasmatibus remotis, ulna cum radio sponte excidit, superstite osse humeri. 24<sup>to</sup>. praesentibus Clar. Domino Pla hujus urbis Medico felicissimo ac expertissimo, Ch. Chervais Th. Paschierse Chirurgis hujus urbis peritissimis, os inutile & noxium Pater meus refecat sine ulla haemorrhagia, applicata ligatura ulterius prospeximus, brachium dextrum in situ teneri, firmari jussimus; ab amputatione diu residuum os humeri dicti sinistri carne circumaccressente tegi, cicatrice obduci, infansque quo ad reliqua sibi restitui, quem satis laete postea in platea currere vidimus.*

*Alterum casum vidi in viro, qui equo rudius incedente scrotum compresserat, contusione haud diu post in veram Gangraenam conversa, 17. Jan. vocati progressum exquisitis auxiliis impedire conamur, externa membrana modo sphacelata cum parte penis itidem sphacelati decidit, integra adhuc tunica vaginali*



ginali cum inclusis testibus. Circa redintegrationem, quantum fieri potuit, operosi fuimus, scopumque 18. hebdomadarum intervallo obtinuimus. De vita utriusque aegri procul dubio actum fuisset, nisi natura arte dextra adjuta fuisset. Similis fere casus occurrit in Ephem. Nat. Cur. T. VII. obs. XII. p. m. 50.

Plures ejusmodi casus possem adferre, qui tum in hac civitate per duo lustra oculis meis se obtulerunt, tum quos apud Fratrem meum Chirurgum in nosocomio Castrensi belgico (vulgo Majorem dictum) praeterita aestate videre mihi contigit; sed brevitati studens illos consulto omisi. Ex propositis sequitur

### Corollarium.

*Non Naturæ soli, nec Arti, sed utrisque conspirantibus fidentum & occurrendum malo nascenti.*

### §. XI.

### Causae Gangraenae.

Hae sunt *internae* vel *externae*, aut concursus utrarumque.

*Internae* ad paucas generaliores referri poterunt. Sunt,

1°. Vis vitae & morbi §. 3. N°. 1. & 2.

2°. Inflammatio vehemens non resoluta, nec suppurata cum acrimonia stagnantium, qua vascula continentia destruuntur, vide Heist. Chirurg. de Phlegmone.

3°. Scorbutus acerrimus, quo universum corpus in Gangraenam & Sphacelum converti potest, humor atrabilarius in toto aut parte. Gangraenam a cacochymia interna ortam in crure, inguine, aliisque locis prorumpentem debitis tamen auxiliis cardiacis superatam testatur Fred. Hofm. Casu CXXVI. Med. consult. pag. 383.

4°. Tumores Aneurismatici, Varicosi, Cancrosi, Oedematosi, fluida corrosiva, putrida continentes, aut mole sua canales subjectos comprimentes; sic tumor scirrhus



sus Venam cavam, ubi in iliacas abit, comprimens adscensum sanguinis e cruribus redeuntis intercipiendo fatalis gangraenae in extremis incipientis, & ad vitalia adscendentis aliquando causa fuit, ut in Comm. van Swieten ad Aph. 422., Colica flatulenta, foetus mole majores, aut numero plures situ, Cavam aut Iliacam comprimendo idem efficere possunt.

5°. Stagnationes fluidorum in cava corporis effusorum, sive illa sint vitalia, sana, ut sanguis in vulneratis, aut Anastomosi, Diaeresive effusus, ut in Puerperis, mora, calore corruptus, sive morbosa, ut pus, ichor in Abscessibus, Vomicis, ut in Empyicis, Asciticis, aliisve Hydropicis.

6°. Caries ossium, Ulcera saniosa, cancrofa, Ichor Cancro eo efficacior ad Gangraenam Sphacelumque procreandum, quo foetor intolerabilior, color viridior, magisque nigricans.

Hic mirabili metamorphosi humores affluentes, Sanguinem, Serum, Lympham, Oleum, partes ipsas firmas in liquamen foetidum ex viridi nigricans adspectu horrendum convertit, nec intra limites partis affectae subsistit, verum etiam effluvia pestifera in corpus universum diffundit, quibus Gangraena Sphacelipara exoritur. In ejusmodi corruptelis prudentium Chirurgorum solertia artem ostendit, humores affluentes assiduo temperando, educendo antiseptica interne exhibendo, usum acrium prohibendo, aut partem extirpando, ut nascentem continuo causam intercipient.

7°. Debilitas virium propellentium cum defectu vitalium fluidorum, coalitu vasculorum minorum, majorumve. Duae sunt causae, quibus canales minores pervii servantur, nempe 1<sup>a</sup>. vis Cordis & Arteriarum propellens. 2<sup>a</sup>. sufficiens copia fluidorum subtilium: alterutro vel utroque deficiente canales obrigesunt, concrescuntque. Hoc obtinet in senibus, aut Junioribus morbo consumente exhaustis, ut influxus, effluxus, secretio, excretio, motus vitalis,



lis, renovatio in toto aut quadam corporis parte, quod non infrequens, tollatur, imprimis in membrana adiposa saltem origine tenuis, quae loco blandi olei serosis, putrescentibus, putrefactisve infarcta consumitur. Haec cum musculos & fibras involvit, natura pernicies, progressus & subsequens Sphacelus rerum gnaris ignota non erunt.

8°. Ultimus inediae effectus Gangraena, hujus Sphacelus, mors.

9°. Causa incrementi & Gangraenae & Sphaceli proxima est Gangraena & Sphacelus ipse, minimis initiis ortus, quemadmodum scintilla neglecta in subiecto facile combustili est causa futuri incendii, vires enim acquirit eundo. Hinc Medicos & Chirurgos in morbis acutis, chronicisve adeo attentos & circumspectos reddit, ut modo N°. 6. dictum.

### §. X I I.

Causae externae itidem compendio recensendae veniunt.

1°. Frigus perspirationem sufflaminans, sanguinem in vasis cutaneis cogens, ut supra §. 10. exemplo patuit, si acerrimum fuerit, ad ossa usque, ipsaque fluida in ossibus contenta congelat; eadem siquidem sanguinis humani est natura, ut infra gradum caloris 90. Therm. Farnh. coaguletur, si tale coagulum in vasis obtinere potest, (quod ob motum circulatorium & calidioris successionem nisi enormi frigore accidit), aqua pura citius congelatur: hinc tot exempla, ubi digiti, manus integrae, nasus, aures, pedesque calore incaute admoto ceciderint, vera Gangraena, Sphacelosa nativam cohaesionem solvente. Ipsum frigus quidem Gangraenam non efficit, modo coagulat, congelat, (congelata per saecula immutabilia persistere possunt, modo aëris accessus arceatur). At calor solvens nimis cito succedens illud coagulum congelatum, solvendo, rarefaciendo, vasa dirumpit, effusa putrefacit, antequam circulum obire, vasis a tergo nondum apertis, possit, quod pa-



tet immersione partis congelatae in aqua glaciali, nam tum per gradus fit solutio, infecta congelata, si subito regelascit, pereunt, si lente vita in actum reducitur: hinc una aestate plura infecta ac alia, ex quibus salubritas, & insalubritas aëris forte magnam partem dependet. Caetera frigoris effecta Gangraenam post se trahentia vid. Inst. Boerhav. §. 747. Quem effectum in pulmonibus frigus acerrimum producere valeat, dum glacialis aër vel ventus celeri motu affatim per Asperam arteriam in ipsos labitur, vicinitas sanguinis aëri fere expositi, arteriae, venae, nervi, vesiculas aëriferas uberrime percurrentes intelligenti palam faciunt. Nonnunquam lene frigus calenti corpori media aestate applicatum citissime Gangraenam Sphacelumque mortiferum producit, ut in fine §. 12. exemplo ex De La Motte vidimus, & casu alio in puella ardentissima febre laborante in fervida aestate gelidae aqua manus immergentis confirmatum habemus: hinc dictum Celsi L. I. Cap. 9. calor adjuvat omnia, quae frigus infestat, generale non est.

2°. Exercitia corporis validissima in aëre calido protracta deficiente potu fluida dissipata restituyente, & causis attritus sese interponente, viscera imo totum corpus Gangraena & Sphacelo afficere possunt. Solus calor externus in loco ultra centum gradus calido idem efficit, uti in Chem. Boerhav. experimento in cane hypocausto incluso innotuit. Omne animal in dicto calore brevi temporis intervallo vivum putrescit. Fabulam de Salamandro in igne vivente nil moror, Entia realia, ut Reymundi Lulli verbis utar, venaturus.

3°. Cibi & potus corrupti, putrefacti, medicamenta & venena septica introsumpta. Gangraenam lethalem ab heléboro albo mulieri juveni exhibito testatur Rivalier apud Manget. Bibl. Chir. pag. 277.

A corruptis fecales granis urgente annona in Galliis pauperes Gangraena sicca, nigra, livida correptos refert van Swieten Aph. 425. pag. 753. Exempla. V. Nat. Cur. T. VII. p. 118.

4°. Com-



4°. Compressio a quacunque causa, ut ligatura nimis stricta, quae venas subjectas comprimendo humorum per has refluxum suffocat, dum interim per arterias non adeo ob situm & elaterem, quo prae venis gaudent, compressiles sanguis ad exteriora fertur: unde tumores ab errore loci, stagnatio congestorum, corruptio stagnantium, erosio, destructio continentium, mors. Conf. Heist. Chirurg. Cap. de Fract. pag. 179. par. 34. Boerh. Aph. 389. 390.

Subligacula per noctem non resoluta spatio unius noctis juveni Gangraenam lethalem causata fuere, uti videre est in Comm. ad Aph. 422. Hinc in ligandis fracturis prudentes Chirurghi quamcircumspectissime attendunt, an partes infra ligaturam intumescere, calere, rubere, obstupescere, aliaque Gangraenae imminentis phaenomena apparere, quibus signis Gangraenam in procinctu esse edocti ligaturas exemplo solvunt, aut laxant, itaque motum & vitam libertati restitunt, ea tamen lege, ut vinctura neque nimis laxa, neque nimis stricta sit, sed mediocriter fasciae inhaerescant, ossaque reposita in situ retineant. Justa vinctura, uti in fracturis, aliisque laesionibus primum remedium est, ita nimis stricta mortem parti inducit, justa vero ipso opere saepe repetito citius, quam ex libris addiscitur, uti Patrem meum tyronibus suis semper inculcare, eosque opere ipso coram docere vidi. Suspiciendum hic monitum expertissimi Heisteri L. C. par. 38. Huc pertinent contusiones graviores spinæ dorsi, aliarumque partium, per quas nervi insigniores decurrunt, item decubitus diuturnus in unam partem imprimis in macilentis, scioribus, debilibus, cacochymicis. Hinc Medici, dum Phreniticis, Soporosis, Apoplecticis decubitus erecto trunco imperant, aut dum morbus necessitatem decubitus in unam partem ponit, mollissima coreacca, aut alia elastica corio molli obducta parti illi supponunt, aut reliquam corporis molem loris quasi suspensam tenent, & quantum fieri potest, situm alternatim mutare jubent, ut congestio prae-  
caveatur, & stagnare incipientia in actum deducantur.



Nisi haec fiant in partibus pressis Gangraena mox aderit Sphacelo pedissequo. Cautelam hanc in Chirurgicis magni quoque momenti esse expertus assero, eamque Hippocrates ipse inculcat, dum praecipit, recordandum esse, quod loca illa in eodem situ longo tempore jacentia excoriationes curatu difficillimas faciant. Hipp. de Fracturis.

Partus difficilis, abortus & extractio foetus mortui ope instrumentorum lethalis Gangraenae causae esse solent, ratione haemorrhagiae & contusionis quas inferunt. Hinc periti Embriulci omne fere genus instrumentorum damnant, ubi exercitata manus, instrumentorum in hoc negotio princeps, sufficit. Ipsa autem Gangraena vel in utero ipso aut vagina haeret, illa ut plurimum desperata, haec continuo partibus mortuis praecisis, vivis mundatis, ablutis aliquando curata legitur.

5°. Ictus venenatorum animalium, quorum pernix saepe adeo malignitas, ut paucis horis Gangraenam omnes partes depascentem inducat, quemadmodum scite describit Lucanus, quorum versus in Comm. van Swieten ad Aph. 1. 5. leguntur, cum propriam experientiam horum mirabilium & ratiociniis superiorum effectuum non habeam, quoque versus hos ob graphicam energiam a nobis dicta confirmantem, sistere visum est. Venenatissimi serpentis, cui Seps nomen, qui militem, dum Cato exercitum per Lybiae deserta duceret, parvo tantum vulnere in crure laeserat, atque statim

— — — Plaga proxima circum  
Fugit rapta cutis, pallentiaque ossa retexit.  
Jamque sinu laxo nudum est sine corpore vulnus,  
Membra natant sanie, surae fluxere, sine ullo  
Tegmine poples erat: femorum quoque musculus omnis  
Linquitur, & nigra destillant inguina tabe. &c.

— — — — — Omne  
Quidquid homo est, aperit pestis, natura profana.

Mor-



*Morte patet, manant humeri, fortesque lacerti:  
 Colla, caputque fluunt. Calido non ocyus Austro  
 Nix resoluta cadit, nec solem cera sequetur.  
 Parva loquor, corpus sanie stillasse perustum  
 Hoc & flamma potest, sed quis rogos abstulit ossa?  
 Haec quoque discedunt, putresque secuta medullas  
 Nulla manere sinunt rapidi vestigia fati.  
 Cyniphias inter pestes tibi palma nocendi est:  
 Eripiunt omnes animam, tu sola cadaver.*

## §. XIII.

## Signa Gangraenae.

Cum signa fere tantum sunt effecta causarum, imo causae ipsae, tum antecedentes, tum praesentes, illae quatenus partes Gangraenae suscipiendae aptas faciunt, hae quatenus natam augent, ut §. 12. fatis dictum, ex data Aetiologia facile noscitur, an Gangraena, Sphacelusve adsit, an immineat.

De praesentia ejus dubitandum non est, si inflammatione vehemente praegressa, aut debilitate, refrigeratione corporis aestuantis, frigore glaciali in nudum corpus admissio, & similibus recensitis sequentia adsunt phaenomena.

1°. Sensus hebes, stupor, vel doloris acuti subita imminutio sine signis resolutionis partis inflammatae, aut alia de causa dolentis.

2°. Color pallidior, cinereus, fuscus, lividus, niger: hisce colorum differentiis ordine sibi succedentibus vita jam per gradus imminuta in mortem tendit. Nil obstat dictum magni Hippocratis de Fracturis, in extremis manuum, pedumve colorem lividum nigro pejorem esse. Prudenter enim addit alia signa itidem perpendenda esse, quod ipsi in omnibus prognosticis familiare, non agit hic loci de successione, verum de eventu, de quo infra dicetur.



3°. Mollities, flacciditas ad tactus vestigia non resurgens. Haec duo phaenomena, si Gangraenae praesentis indicia, maxime obtinent in partibus carnosissimis, inflammatis, exigua enim mollities, aut flacciditas in superficie ossi fere contigua, ut in crure, sterno senum. Neque in omni flacciditate ad tactus vestigia non resurgente adest Gangraena, ut in multis tumoribus oedematosis, addeoque juxta praeceptum Hipp. mox allegatum in diagnosi procedendum est, ut ex pluribus inter se comparatis unum signum pathognomicum resultet.

4. Pustulae ichore lymphatico, subflavo vel rubello plenae in loco inflammato, item circa ulcera, vulnera, imprimis globis sclopetariis inflicta, quae vulnerando simul contundunt. Ob pessima, quae accidere solent symptomata inter viros eruditos praeteriti seculi disputatum fuit, an venenatum quid ex igne sulphureo & aëre secum rapiant, vulnerique communicent. Quae dubia, innotescente partium fabrica, & vita, evanuerunt. Sanandi prae aliis vulneribus laborem Frater meus in Brabantia in pluribus vulneratis expertus copiam multorum casuum mihi fecit.

5°. Pustulae inflammatoriae, fuscae nigrae, ut Variolae malignae cum punctulis rubris per interstitia sparsim conspicuis Gangraenam de vita jam jam moriente triumphare indicant.

6°. Velox incrementum corruptionis natae in parte extrema cum imminuta vel abolita sensibilitate, foetore olido inter praecipua signa in Chirurgicis habentur, ejusmodi saepe occurrunt in Scorbuto acerrimo, putrido, gingivas erodente, maculas fuscas, nigras, pustulas, ulcera foetida serpentina in variis partibus producente, ut supra monitum.

#### §. XIV.

Quamquam signa dicta externa Medicum de Gangraena prae-



praesente certiore faciant, accidit nihilominus interdum, ut sine ullis signis sensus incurrentibus occulta subfit Gangraena causas vitae depascens, qua in Sphacelum degenerante aeger exstinguitur, causa non nisi post mortem in cadavere aperto obvia, ex qua cognita tandem antecedens in futuram ex Analogia investigatur, sic saepe intestina ab acido in infantibus erosa, inflammata, in Gangraenam versa, quae & in pueris a vermibus contingunt, Anatomica inspectio fidem facit, ut ex prognosticis Boerhav. Aph. 432. Gangraena cerebri, viscerum, vesicae, lethalis, & in acutis cita mortis, partibus majoribus vix apparentibus laesis, causa.

## §. X V.

Ejusmodi occultae gangraenae in febribus pestilentialibus, vomitis viscerum majoribus non raro citius interficiunt, quam signis se prodant.

## §. X V I.

Signa Sphaceli praesentis est omnis sensibilitas abolita in parte fusca, nigra, molli, flaccida, foetida, putrida, motus omnis vitalis abolitus, spontaneus secessus partium, uti Lucanus describit, aut saltem omnis nativa cohaesio solvitur aut ariditas, fuscedo, nigredo, foetor, frigus &c. Conf. allegata (par. II.) exempla.

## §. X V I I.

## Prognosis.

De eventu vix dicendum superest, quippe ex §. 3. & Aetiologia, item ex signis diagnosticis facile colligendus, sive interne Gangraena aut Sphacelus haeserit, sive partes externas occupaverit, paucis prognosin absolvemus.

## §. X V I I I.



## §. XVIII.

Si causa vitae §. 4. partis, Gangraena affectae est major, morte in ea jam simul praesente, indicata remedia tempestive in rectum usum vocata spem salutis faciunt, dico tempestive, ob perniciosissimam nocendi facultatem, remedium efficax nunc, paucis momentis post iners. Vide supra, coeterum modum, quo causa vitae praevalet, eleganter Galenus exprimit. " Oritur mixta quaedam sanguinis mutatio, partim quidem ab ea, quae praeter naturam, partim quidem ab illa, quae secundum naturam causa est, quarum ut illa quae praeter naturam causa est, putrefacit, sic illa, quae secundum naturam est causa concoquit, earum vero utraque praevaluerit protinus, indicia tum in colore, tum in odore, tum in consistencia necessario sequuntur. Quibus scite indicat, omnes mutationes in morbis contingentes principio vitali ceu uni causae efficienti adscribendas non esse.

## §. XIX.

Si causae vitae & mortis numero & viribus existunt pares, praesagitur discrimen, mors integra, Sphacelus, hic eo magis formidabilis, quo vita magis ultra Aequilibrium imminuta, magnitudo siquidem periculi spectatur excessu magno, quo causa morbi exsuperat causam vitae, virtus autem causae, qua vita adhuc durat, cognoscitur ex qualibet functione superstite, laesione, aut abolitione ejusdem, item ex qualitate plus minus mutata, eo magis imminuitur vita, quo magis canales abolentur, hinc dolor auctus, vel sensibilitas acuta mutatur in obtusam per gradus ad perfectam anaesthesiam usque, ut ex Semioticis datis patuit.

## §. XX.



§. XX.

Gangraenae partium internarum inflammationibus succedentis ut plurimum infrenes sunt, prae caeteris viscerum, membranarum nervosarum, nisi admodum leves fuerint, in mortem tendere observantur, signa prognostica Boerhav. paucis sistit.

§. XXI.

*Causa, pars affecta, profunditas, velocitas, natura aegri, symptomata inflammationis collata cum signis, effectibusque prognosin absolvunt. Quot vocabula, tot pondera. Omnia, quae hucusque dicta in iis continentur. Vocabulo causa intelligendae veniunt vires vitae & morbi, adeoque totam Physiologiam & Aitiologiam Pathologicam supponunt, haec omnia itidem in reliquis, nisi quis partium affectarum indolem, situm, usum noverit, ratione physica nil praesagire, sed tantum quid ex arbitrio divinare potest, quatenus hunc illumve eventum observaverit. Ingens discrimen, vera praesagia exigit Aph. 430.*

§. XXII.

Gangraenam oris interni, labiorum, buccarum, linguae, narium, genitalium curatu difficilem scribit Boerh. Aph. 432. Consideratio Anatomica partium affectarum sanandi laborem, periculumque clarius exponit, quam mille ratiocinia ab experienciis desumta. Alias partes externas cutis, vestisque defendit, hae tenui cuticula intermedia aëri sunt expositae, celerrimo ejus transitu exsiccantur, ut licet ingens a natura huc determinatus humorum affluxus in glandulis salivalibus, arteriis exhalantibus, qui collecti salivam constituunt, eas contra siccitatem tueri nequeat. Quodsi humores hi affluentes scorbutica labe infecti, magis

D

ab



ab aëre corrumpuntur, & teneram subjectam substantiam corrodunt, 1°. Mucus ob acrimoniam in membrana Schneideriana secerni impeditur, corruptionis initium facit, hinc scribit van Swieten in Comm. ad hunc Aph. frequens satis in his regionibus malum, & aliquando epidemicorum morborum more plures simul affligens, imprimis illos, quibus acris scorbutica Cacochymia adest, uti dictum fuit in Comm. §. 423. nascitur primo in buccarum interiori parte, gingivis, labiis, lingua, tonsillis &c. levis rubedo parum dolens, & major calor, paulo post medium illius loci stigma album occupat, quod saepe fallit Chirurgos, qui suppurationem futuram inde putant. 2°. Dolor tunc augetur, maxime in illo loco, ubi album illud stigma haeret, uti & in ejus marginibus, qui tunc ruberrimi apparent. Profundius exeditur porro ille locus, & totum illud album, quod nil est nisi vera eschara gangraenosa, cadit, si levius malum fuerit & in adultis; si vero major adfuerit malignitas, praecipue in juniore aetate, ubi omnia molliora sunt, proserpit malum, & alba illa macula quaquaversum in omni ambitu dispergitur: simul tunc putridissimus halitus ore exit, & perpetuum olidissimae salivae stillicidium; & nisi subita & efficax adhibeatur medela, exedit, deprædatur omnia.

## §. XXIII.

Eadem de Sphacelo dicenda. Subjectum, Aetas, Tempestas, Atmosphaera singularis ad prognosin sui conferunt, in subjecto sano minus metuendum, quam in Cacochymico, in pueris corruptio facilior ob humidi copiam; in media aetate vehementior ob aequilibrium inter fluida & solida; in senibus lentior, at mortifera ob fluidorum vitalium inopiam & effoetas vires vitae. Vitae fatiscentis debilitas in plerisque septuaginta annis majoribus obtinet, licet in quibusdam vegetioribus extremorum Gangraenae fomentis & cardiacis subinde curentur, uti videre est in Actis Edinburgen-



gensibus Tom. 3. pag. 31. & 36. edit. Amst. ubi ope Cort. Peruv. Gangraena pedis sinistri in viro 76. annorum intercepta & curata legitur, verum casus hi rariores. Quae in inflammatis succedit, pejor tempore aestivo, quam verno, & sic de aliis. Senibus in extremis Sphacelatis hyems ut plurimum exitialis, tempore enim vernali cardiacis facilius motus restaurari potest, verum haec omnia futurae praxi servanda praetermitto.

## §. XXIV.

## Curatio Gangraenae.

Curatio juxta generalia Therapeutices praecepta procedit. Quorum primum est, servare vitam, secundum tollere causas, tertium ipsum morbum, quartum symptomata. Indicationes speciales variant pro diversitate causarum & partium affectarum, imo & gradus Gangraenae ipsius.

## §. XXV.

Gangraenae internae vel oriuntur ab inflammatione, vel a cacochymia, vel a defectu virium vitalium. Quae ab inflammatione oriuntur, cum fere semper in mortem desinant, praeter generalia antiseptica nil dicam. Cacochymia vero indicat contraria, quibus corrigi, mutari, iners reddi, eliminarique possit, cum plerumque putrida sit acescencia, ipsa acida in usum vocanda.

Ejusmodi sunt decocta frumentacea, dilutiora, ut avenae, hordei &c. cerevisia tenuis, serum lactis, lac ebutyratum, juscula carnis vitulinae, dempto pingui & admixto succo citri, cremore tartari, ut putredo praecaveatur, calore febrili facile nascitura. Huc faciunt quoque fructus acidi, pulpa pomorum acido dulcium, tamarind. rob sambuci, ribesiorum, berberum, succus aurant. citri, Spiritus falis, sulphuris, vitrioli, vel sinceri ad paucas



## 28. DISSERTATIO MEDICO CHIRURGICA

cas guttas decoctis admixti, vel alcohole edulcorati. Decoctum ex rad. gram., scorz., acetos., bard., 5 rad. ap., addito vino Rhenano.

### §. X X V I.

Gangraena a virium defectu Cardiaca & Analeptica exigit. Omne fere genus praesidiorum est in jusculis carnis juniorum animalium, imprimis volatilium, cum ovis, pane biscocto, vino generoso, interpositis mixturis, ex aqua cinamomi, citri, menthae, melissae, majoran. rutae, salviae, vitae Matthioli, addito syrupo menthae, corticum citri, artemisiae; item pulvere Cort. Peruv. de quo supra §. 23. & ejusmodi emplastra aromatica, aut potius fomenta ex spiritu vini camphorato vel Theriacali in locis externis, ubi se prodit, apponenda. Aër sit temperatus. Quibus omnibus nihil proficientibus finem imponit Sphaecelus.

### §. X X V I I.

Princeps remedium in Gangraena externa inflammatoria est scarificatio, vulnuscula haec inflictæ triplex beneficium conferunt. 1°. alliciunt vitalium sanorum affluxum, quo praesens putredo quodammodo corrigitur. 2°. praebent putrido exitum. 3°. liquidis condientibus applicatis ingressum, haec sunt cataplasmata ex floribus camomill. sambuci, melilot., foliis scordii, abrotani, marrubii, absinth., parietariae, rutae, &c. quae aquae, vino, aceto incoqui possint, tum ab igne remotis & refrigeratis spiritus vini camphoratus, vel theriacalis, Matricalis, Tinctura myrrhae, Sal armoniacus addatur. Haec insigni vi antiseptica gaudent & ad suppurationem disponunt. Effectu quoque probata est aqua marina, cui absinthium incoctum, Gangraenas proserpentes & cutim depraedantes ejus ope persanatas fuisse, Auctor & testis est Thom. Bartholinus. Nec ob-



obscura est ratio, pollet enim ejusmodi fomentum vi minimos canales penetrandi & nervos modice stimulandi. Unde accessentiâ modico sale condita in gangraenis scorbuticis ad condiendos humores labe putrida infectas probantur. Saltem vero aqua solutum vasa lactea ingredi non tantum analysi urinae Chemicis constat, verum & lac nutricis nimio sale utentis id evincit. Juxta Virgil. Georg. L. 3. V. 393. ubi inter causas lactis copiam augentes salem, ortam inde sitim & potum ponit.

*At cui lactis amor, cythisum lotosque frequentes  
Ipse manu salsasque ferat praesepibus herbas.  
Hinc & amant fluvios magis, & magis ubera tendunt,  
Et salis occultum referunt in lacte saporem.*

Plura in dicta gangraenae specie extemplo concinnari possunt, abstinendum a putrefacientibus, ut Spiritus C. C. nisi forte limite posito escharam sit promovenda, tum usus putrefacientium spernendus non est. Sic cataplasma ex pomis putridis, ficubus putrefactis coctione & proprio succo in formam cataplasmatismatis redactis escharam & separationem versus fundum promoveri asserunt experti. Huc pertinent cauteria actualia momento temporis escharam inducentia, at nomine eorum aegris terrorem incutiunt, mitioribus nunc temporis cognitis fere in desuetudinem abierunt. Vid. Chir. Heist. C. 14. §. 14. de Gangraena & Sphacelo: loco eorum in usum vocantur corrosiva liquida, ut spiritus acidi minerales, quae partes vivas mortuis inhaerentes quidem destruunt, hacque ratione vivis inimica, at virtute simul antiseptica putredinem praesentem corrigunt, futuram avertunt summum vitae conservandae auxilium conferendo. Ejusmodi sunt Spir. Salis concentratus - Sulphuris - nitri - vitrioli; ipsis putrefacientibus longe praeferendi. Distinguendum autem hic circumspiciatissime, num ad os usque gangraena, quod in partibus quibusdam facile contingit, ubi cuti fere subjacent, pan-



nis interpositis , ut in tibia &c. In casibus acida dicta , nocentissima , cito substantiam ossis destructura , adeoque potius alcalicis utimur , quibus ossa tam cito non destruuntur. In carie gangraenosa , ut semper est, pulvis Euphorbii se commendat , quod vero separatum est, una cum eschara cito tollendum , ne partes vivae suffocentur. Spasmi effrenes gangraenae supervenientes balneo vaporoso cedunt. Sic vapore fumi in stabulo boum aegrum convulsam restituit Paraeus. Vid. Comm. van Swieten: Aph. 830.

*Ut variant morbi , pariter variabimus artes.*

### §. X X V I I I.

Dictis remediis tantum efficimus , ut incrementum putredinis intercipiatur , praesens corrigatur , vita ipsa ad opus suum (haec princeps causa curans per remedia morbos) generose perficiendum erigatur , incitetur , languida reficiatur , gangraenae vires infringantur , nascenti putredini exitus concilietur , quibus tempestive adhibitis gangraenae externae , nisi desperatae , superantur. Cum partes internae Chirurgo sint inacessae , tenerae , debilius cohaerentes , facilius destructiles ; gangraena semel nata cito increfcens ; natura licet separationem moliatur , eliminare tamen non possit , itaque continuo causam mortiferam adaugeat , patet discrimen & sanandi difficultas. Exigua vero & superficialis in corpore Euchymo remediis internis supra propositis quandoque auscultat.

### §. X X I X.

Dum his omnibus in cassum adhibitis pars mortua a vivo instrumentis quandoque separanda , cujus indicia sunt partis insensibilitas , nigredo , foetor , frigus.

An vero arti locus sit , cautissime pronunciandum , eventusque tam sphaceli sibi relictis , quam artis instrumentis



tis tractati non perfunctorie, sed cunctanter & circum-  
specte in parte affecta, magnitudine corruptionis, condi-  
tione vitae superstitis, seu subjecti conditione praedicen-  
dus, inito quidem consilio cum Medicis Chirurgisque lon-  
ga experientia confirmatis, quemadmodum severe incul-  
cat prae laudatus Heister. in sua Chirurg. L. C. XV. &  
Hipp. inter praeceptiones suas haec habet.

*Neque sane indecorum fuerit, si Medicus in rei praesentis  
angustia circa aegrum versatur, imperitiae etiam tenebris cir-  
cumfusus, alios quoque arcessi jubeat, quo communi consi-  
lio, quae in re aegri sunt disquirantur, & illi ad praesidio-  
rum facultatem operas suas conferant. Ubi enim assiduo urget  
affectio, morbusque increscit, plurima in animi angustia ad  
rem praesentem elabuntur.*

Imprimis si metus mortis major, quam spes salutis,  
(prudens enim, inquit Celsus L. 5. Cap. 26. Eum, qui  
servari non potest, non attingere, ne videatur occidisse,  
quem fors ipsius (immedicabilis vis morbi) interemit: de-  
inde ubi gravis metus est sine certa tamen desperatione in-  
dicare oportet periclitantis in difficili rem esse, ne, si victa  
ars malo fuerit, vel ignorasse vel fecisse videamur. Sed  
uti haec prudenti viro conveniunt, sic rursus histrio-  
nis est parvam rem attollere, quo plus praestitisse videat-  
ur: uti veram prognosin fama gloriosa, ita falsam con-  
temptus sequitur. Contingit nonnunquam, ut aeger pro  
desperato habitus beneficio naturae mortuum a vivo sepa-  
rantis, quoad reliqua fervetur, sanitatemque consequatur,  
e contrario observationes docent, aegrum periisse, cum  
in curatione spes posita esset. Quemadmodum variis con-  
firmatur in Comm. van Swieten in Aph. Boerh. praecipue  
§. 432. 459. 467. 433. Ubi casus stupendi recensentur.  
Conferantur dicta superius §. 18. ad 23. Duplex igitur  
sagacitas in Medico Chirurgo, ut verbis Vander Lin-  
den utar, altera, quae auxilium invenit ex certa notitia in-  
dicantis, altera, quae exitum praevidet ope artis.



## §. XXX.

Operationes Chirurgicas quod attinet, eas hic recensere nimis longum foret, variant enim 1<sup>o</sup>. ratione partium, adeoque instrumentorum & vincturae. 2. Subjecti quo ad temperiem, vitae genus, animi magnitudinem, statum, promptius iis succurritur, qui facile coguntur, quam quibus inutilis est libertas Cels. L. 3. C. 21. Et facilius sanescit puer vel adolescens, quam senior, valens, quam infirmus, neque nimis tenuis neque plenus, quam si alterum ex his est, integri habitus quam corrupti, exercitatus quam iners, sobrius & temperatus, quam vino, venenique deditus. Vid. L. 5. C. 26.

3<sup>o</sup>. Differt respectu causarum, quarum frequentiores sunt contusiones, tumores ab effusis, rupturae, luxationes, fracturae &c. Quae omnia propositi limites excederent. Praeterea tam operose & circumspecte in praestantium Chirurgorum libris operationes sunt descriptae, tot experientiis, exemplis confirmatae, ut nil novi adferendum habeam. Accedit, quod Chirurgia sit scientia, quae maiorem partem ipso opere addiscitur, citra quod nemo, quantumvis firmi animi sit, manu, intrepida instrumenta teneat, & firma oculorum acie partem secandam intueatur, habitus operandi rem perficit, inexercitatus metu semper agitur, ubi vero aeger Chirurgum anxium advertit, cum consilio destitui existimat, de sua salute diffidere, artificem, ignem, ferrum, imo mollia ipsa metuere. Juxta Ovid. 2. de Ponto.

*Membra reformidant, mollem quoque saucia tactum,  
Vanaque sollicitis excitat umbra metum.*

Sunt in arte, inquit Galenus, quae nec dici nec scribi possunt, sed longo usu, & quantum fieri potest a teneris comparanda, juxta praeceptum Celsi: *Esse Chirurgus debet adolescens aut certe adolescentiae propior manu strenua, stabili*



*stabili nec unquam tremiscente, eaque non minus sinistra, quam dextra promptus, acie oculorum acri, claraque, animo intrepido, immisericors, sic ut sanari velit, quem accipit, non ut clamore ejus motus, vel magis quam res desiderat, properet, vel minus quam necesse est, secet, perinde faciet omnia, ac si nullus ex vagitibus alterius affectus oriatur. L. 7. praef.*

Ex his omnibus patet, praestantissima illa Chirurgorum opera solis Chirurgis scripta esse, quemadmodum instrumenta solis Chirurgis parata, quibus nemo uti alius novit; hi soli inquam intelligunt usum, atque utilitatem instrumentorum, de opere ipso expediendo mihi sermo est. Fateor, theoreticis ea inservire ad pericula quodammodo praedicenda, & illorum eventum ex cognita morbi natura determinandum, verum opus ipsum, ipso nisi opere edocti fuerint, non suscipiunt, sed Chirurgis ultra committunt, quae cum ita sint de Operationibus ipsis, quae manum, ferrum, & ignem requirunt, nil dicam.

*Quos Natura modos ostenderit, arte sequemur.*

*Et quos ars docuit, consulta imitabimur arte.*

F I N I S.

E

I N



IN LAUDEM

Doctissimi Atque Ornatissimi Viri Juvenis

ADRIANI DICTEN.

*CUM MEDICORUM ALBO  
INSCRIBERETUR.*

Candide DICTE, mihi semper Dilecte sodalis  
Non minus, ac fratri, frater amate mihi!  
Jussit amor, magno Doctori fundere Cantum  
Laetitiaeque meae publica signa dare;  
Scire cupis causam, cur te mea Musa tenetur  
Tergeminis semper concelebrare sonis?  
In promptu causa est, praeclara scientia vestra,  
Doctor amice, sibi praemia digna petit,  
Praemia digna petit, cum sis praeclarus in arte  
Hippocratis magni, Vulneribusque medens;  
Judicium, ingeniumque tuum celebrare camenâ,  
Ingeniumque mihi, judiciumque deest.  
Hippocratis studium conjungis arte Chironis,  
Certior, ut doceas, quae penetranda via.  
Sic es Boerhavi magni praecepta secutus,  
Qui curare prius vulnera saeva docet.  
Filius es Medicus Chirurgi insignis in Urbe,  
Hunc Ars commendat, te Medicina sagax.

Sic



Sic peperit Galenus opes, Galenus honores,  
Dantur doctrinae praemia digna tuae.  
Quam multi miseri rapiendi faucibus Orci  
Erepti gaudent dexteritate tua?  
Idcirco nomen magnum, laudesque manebunt,  
Quas livor rabido rodere dente nequit.  
Denique jam liceat voto subungere Votum  
Optans, exoptans aurea saecula Tibi.  
Tempora mutentur, nos non mutemur in illis,  
Quomodo? sit semper pectore fixus amor.

*Ista in signum amicitiae perpetuae  
canere gestivit*

ANDREAS RUGEMER.

*Art. LL. & Philosophiae Magister,  
Medicinae Licentiatus.*

TER



TER INWYDINGE  
Van den HEERE  
ADRIANUS DICTEN.

Tot der Medicynen Doctor.

*Sic itur ad astra.*

**H**y is geen antwoord waard, die stout genoeg durft vragen,  
Hoe! zie ik de eerekroon, den naarfstigen belooft,  
Alree van Pallas zelf geplaatst op DICTENS hoofd?  
Daar gy, myn vriend, vast volgt het voetspoor uwer magen.

Gelyk uw Vaders lof alom wordt omgedragen,  
Gelyk uw Broeders vlyt ons hoop geeft, dat de Faam  
Hem vroeg vermelden zal: hoor men van uwen naam  
Eerlang met groten lof (dit is myn wensch) gewagen.

In weerwil van de Nydt (ach hielp myn herte wensch!)  
Geniet gy meer geluk, dan ooit aan eenig mensch  
Op aardt vergunt wierdt: Godt 't aanbid'lyk Opperwezen

Rekk' lang uw levensdraat, die zy uw rechthandt  
In alle uw pogingen, dan roept elk door ons landt:  
't Is DICTEN, die (met Godt) den zieken kan genezen.

*Ex animo non arte raptim  
Cecinit*

LUDOVICUS KLUYT.  
*S. S. Theol. Stud.*

Leiden den 24. August.  
1747.